

12. November

UPA2015/137

**Uunga siunnersuut: Eqquniaasitsinermi akitsuutit pillugit Inatsisartut inatsisaanni § 1, imm. 4-p allannngortinnissaanut taamaalilluni eqquniaasitsinermi bingortitsinermilu (peqatigiiffinit ingerlanneqartunit) eqqukkat eqquniaasitsinermi akitsuutip akilerneqartannginnissaannut siunnersuummik saqqummiussinissaannik Naalackersuisut peqquneqarnissaannut Inatsisartut aalajangiiffisassaattut siunnersuut. Akitsuuteqartitsinnginnissamut aningaasanik ikisilluni pinnguaatinik eqqukkat akitsuutaat ilaatinneqassanngillat.**  
(Inatsisartunut ilaasortaq Jens Immanuel, Siumut)

Inatsisartunut ilaasortap Jens Immanuel Siumut siunnersuutaanut Siumumiit imaattumik oqaaseqassuugut.

Siumumiit oqaatigissuarput sunngiffik atorlugu peqatigiiffinni ingerlatsineq piffissamik angisuumik atuiffiusartuq, pingaartumik meeqqanut inuusuttunullu suliniaqatigiiffiusuni, nersornartuummat. Taamaamat periarfissaq manna atorlugu sineriarujussuatsinni inuppassuit sunngiffitsik atorlugu inuiaqatigiinni pinngittoorsinnaanngisatsinnik peqatigiiffilerinermik ingerlatsisut qutsavigeqqaarusuppagut.

Siumumiit ilisimalluarparput peqatigiiffiit aningaasannanniarnermi atatillugu eqqukkat akileraruseqqusaanerannik tunngaveqartumik piffissarujussuarmik atuiffiusumik peqatigiiffilerisut ingerlatsisartut. Aningaasannanniarniup nalaani taamaallaat piffissamik atuisoqarneq ajorpoq, aam-mali pappialarsorneq nalunaartussaataanerillu ulluinnarni suliaqartitsigaatsiartarnerat ilisimavarputtaaq.

Siunnersuutigineqartoq paasinninnerput malillugu tassaavoq peqatigiiffiit inoqarfinni assigiingittuni ingerlatsisut Bingomik Bankomillu ingerlatsisarneranni akileraarusersuisitsisarnermut suliaqartitsisaqisumut pisussaafferutsinneqarnissaat. Tassami eqqukkat minnerpaamik kr. 200,- -miik aallartitumik akileraaruserneqartussaanerat malillugu akileraarusersuisarput eqquisut sinnerlugit pappialatigut annertuumik suliaqarfiusartumik.

Sunngiffik atorlugu inoqarfippassuarni peqatigiiffilerisut pinngittoorsinnaanngilagut, minnerunngittumik peqatigiiffippassuit meeqqanut inuusuttunullu ingerlatsisut tapersersunginnissaannut akissaqanngilagut.

Eqquniaasitsinermi akitsuutit pillugit inatsisartut inatsisaanni takuneqarsinnaavoq sunngiffik atorlugu allanut ikiunneq pappialarsornerit akileraartarnermut pisortaqarfimmut nalunaarutaasussat naammassisimannngikkaanni "pillaatissinneqarnermik" kinguneqartassasoq.

Siumumiillu nalunneqaarput ilaatigut tamakku pissutaallutik peqatigiiffippassuit inunnik suleqataarusinnaasunik amigaateqaleraluttuinnarsimasut.

Naalackersuisup akissuteqaataani allassimavoq atorunnaarsitsineq nunatta karsianut ajorseriartitsissasoq. Tamanna ilumoorpoq. Siumumiilli isumaqartuarpugut sunngiffik atorlugu

peqatigiiffilerineq kisitsisitigut naatsorsorneqarsinnaanngittoq nunamut annertunerujussuarmik iluanaarutaasoq.

Taamaammat Siumumiit inatsisartunut ilaasortap Jens Immanuelen Siumut peqatigiiffiit eqquiniaasitsisarneranni bingortitsisarnerannilu eqqukkanut akitsuutit akilersinneqartannginnissaanut suliaqaaqqusineq taperserlutigu ataatsimiititaliamut susassaqtumut ingerlatinneqarnissaa taperserparput.

Jess Svane  
Siumut